



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-752/25-I
Brčko, 30.05.2025. godine

Z A P I S N I K
sa 269. sjednice Pravosudne komisije Brčko distrikta BiH
održane 30.05.2025. godine, u 08,30 sati sa slijedećim

Dnevni m red o m

1. Usvajanje zapisnika sa 268. redovne i 122. vanredne sjednice Pravosudne komisije Brčko distrikta BiH
2. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-595/25-I od 30.04.2025. godine;
(izvjestilac: Rade Mitrović)
3. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-611/25-I od 12.05.2025. godine;
(izvjestilac: Rade Mitrović)
4. Zaključivanje ugovora o obavljanju volonterskog rada u Kancelariji za pravnu pomoć Brčko distrikta BiH;
(izvjestilac: Rade Mitrović)
5. Rješenje o prestanku radnog odnosa na određeno vrijeme radi obavljanja pripravnčkog staža Milošu Majinoviću, pripravniku u Pravobranilaštvu Brčko distrikta BiH;
(izvjestilac: Rade Mitrović)
6. Rješenje o prestanku ugovora o volonterskom radu Aleksandri Jović, volonteru u Osnovnom sudu Brčko distrikta BiH;
(izvjestilac: Rade Mitrović)
7. Rang lista sa preporukom za izbor advokata u Kancelariji za pravnu pomoć Brčko distrikta BiH, na određeno vrijeme;
(izvjestilac: Rade Mitrović)
8. Verifikacija akta Pravosudne komisije broj: SuPK-00-641/25-I od 19.05.2025. godine kojom se nominuje član i zamjenski član za učešće u radu Radne grupe za izradu Strateškog i akcionog plana za bezbjednost djece u digitalnom okruženju Brčko distrikta BiH 2025-2028;
(izvjestilac: Rade Mitrović)
9. Verifikacija rješenja o prestanku radnog odnosa Jovi Miloševiću, sudskom policajcu u Sudskoj policiji Brčko distrikta BiH;
(izvjestilac: Rade Mitrović)

10. Donošenje Odluke o naknadi troškova za dva edukatora na XXIII Savjetovanju iz krivičnopravne oblasti koje se održava u Neumu od 02.06. do 05.06.2025. godine
(izvjestilac: Rade Mitrović)
11. Donošenje odluke o isplati naknade Disciplinskoj komisiji i zapisničarima za rad u mjesecu april i maj 2025. godine;
(izvjestilac: Rade Mitrović)
12. Razno

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda Brčko distrikta BiH,
3. DRAGAN TOMAŠ, predsjednik Osnovnog suda Brčko distrikta BiH,
4. RADMILO IVANOVIĆ, v.d. glavnog tužioca u Tužilaštvu Brčko distrikta BiH,
5. DEJAN ĐUROVIĆ, pravobranilac u Pravobranilaštvu Brčko distrikta BiH,
6. MEHMED BEČIĆ, član Komisije iz reda građana, putem telefona,
7. MILIVOJE VASIĆ, član Komisije iz reda građana,
8. IVAN LOVRIĆ, član Komisije iz reda građana.

Sjednica počela u 08,36 sati.

Konstatuje se da sjednici prisustvuje 8 (osam) članova Komisije, i da je član Komisije Mirsad Ćeman opravdano odsutan, te da sjednici prisustvuje i sekretar Komisije, Rade Mitrović.

Predsjednik Komisije otvara 269. redovnu sjednicu Pravosudne komisije s predloženim dnevnim redom uz prijedlog da se isti dopuni na način da se poslije tačke 5. dodaje nova tačka 6. koja glasi: „Donošenje rješenja o prestanku radnog odnosa na neodređeno vrijeme Sabaheti Čaušević, operateru-asistentu u Tužilaštvu Brčko distrikta BiH na osnovu sporazuma“, te da se iza dosadašnje tačke 10. doda nova tačka 12, koja glasi: „Donošenje odluke o isplati naknade edukatoru za izvršenu edukaciju na seminaru na temu „Naknada materijalne štete u slučaju auto odgovornosti“.

Slijedom navedenih dopuna tačka Razno postaje tačka broj 14.

Konstatuje se da je predloženi i dopunjeni dnevni red usvojen jednoglasno.

Prelazi se na prvu tačku dnevnog reda.

1. Usvajanje zapisnika sa 268. redovne i 122. vanredne sjednice Prvosudne komisije Brčko distrikta BiH

Nakon uvodnog obrazloženja predsjednika i sekretara Komisije, i provedene diskusije, Komisija je jednoglasno zaključila da se za sljedeću sjednicu odlaže usvajanje zapisnika sa 268. redovne sjednice kako bi se uradile određene dopune zapisnika u skladu sa provedenom diskusijom.

Konstatuje se da je Komisija jednoglasno usvojila zapisnik sa 122. vanredne sjednice Komisije, bez primjedbi.

2. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-595/25-I od 30.04.2025. godine

Nakon obrazloženja i provedene diskusije, Komisija je jednoglasno donijela sljedeću

O D L U K U
o imenovanju komisija za zapošljavanje po javnom konkursu broj:
SuPK-01-595/25-I od 30.04.2025. godine

I Imenuje se Komisija za zapošljavanje stručnog saradnika u Osnovnom sudu Brčko distrikta BiH, (na neodređeno vrijeme), u sastavu tri člana:

1. Dragan Tomaš, predsjednik,
2. Safet Pizović, član,
3. Dejan Đurović, član.

II Imenuje se Komisija za zapošljavanje sudskog policajca u Sudskoj policiji Brčko distrikta BiH, (na neodređeno vrijeme), u sastavu tri člana:

1. Rade Mitrović, predsjednik,
2. Ivica Jurić, član,
3. Vedad Osmanović, član.

3. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-611/25-I od 12.05.2025. godine

Nakon obrazloženja i provedene diskusije, Komisija je jednoglasno donijela sljedeću

O D L U K U

o imenovanju komisija za zapošljavanje po javnom konkursu broj:
SuPK-01-611/25-I od 12.05.2025. godine

I Imenuje se Komisija za zapošljavanje operatera-asistenta u Tužilaštvu Brčko distrikta BiH, (na neodređeno vrijeme), u sastavu tri člana:

1. Dijana Azapagić , predsjednik,
2. Nataša Popić, član,
3. Ivana Blekić, član.

II Imenuje se Komisija za zapošljavanje pripravnika u Pravobranilaštvu Brčko distrikta BiH, (na određeno vrijeme, do sticanja uslova za polaganje pravosudnog ispita, ali ne duže od dvije godine), u sastavu tri člana:

1. Admir Musić, predsjednik,
2. Ivana Stjepanović, član,
3. Marija Nedić, član.

4. Zaključivanje ugovora o obavljanju volonterskog rada u Kancelariji za pravnu pomoć Brčko distrikta BiH

Nakon obrazloženja, Komisija jednoglasno zaključuje

Ugovor o volonterskom radu
na određeno vrijeme sa punim radnim vremenom

Na radno mjesto volontera u Kancelariji za pravnu pomoć Brčko distrikta BiH, prima se Admira Peleš Memišević, kći Admira, iz Brčkog. Imenovana se prima na određeno vrijeme, počev od 03.06.2025. godine pa do 03.06.2027. godine, odnosno do ispunjavanja uslova za polaganje pravosudnog ispita.

5. Rješenje o prestanku radnog odnosa na određeno vrijeme radi obavljanja pripravničkog staža Milošu Majinoviću, pripravniku u Pravobranilaštvu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Milošu Majinoviću, pripravniku u Pravobranilaštvu Brčko distrikta BiH, prestaje radni odnos zasnovan na određeno vrijeme radi obavljanja pripravničkog staža, zbog isteka roka za obavljanje pripravničkog staža.

Radni odnos prestaje zaključno sa danom 19.06.2025. godine.

6. Donošenje rješenje o prestanku radnog odnosa na neodređeno vrijeme Sabaheti Čaušević, operateru-asistentu u Tužilaštvu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Sabaheti Čaušević, operateru-asistentu u Tužilaštvu Brčko distrikta BiH, prestaje radni odnos zasnovan na neodređeno vrijeme, zaključno sa danom 30.05.2025. godine, na osnovu sporazuma.

7. Rješenje o prestanku ugovora o volonterskom radu Aleksandri Jović, volonteru u Osnovnom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Aleksandri Jović, volonteru u Osnovnom sudu Brčko distrikta BiH, prestaje Ugovor o volonterskom radu na određeno vrijeme s punim radnim vremenom, zaključen sa Pravosudnom komisijom Brčko distrikta BiH, pod brojem: SuPK-01-1016/23-I od 16.06.2023. godine, zbog isteka perioda na koji je zaključen.

Ugovor prestaje zaključno sa danom 19.06.2025. godine.

8. Rang lista sa preporukom za izbor advokata u Kancelariji za pravnu pomoć Brčko distrikta BiH, na određeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor advokata u Kancelariji za pravnu pomoć Brčko distrikta BiH, na određeno vrijeme, u kojoj je Rada Radikić, Srbin, prvorangirani kandidat, sa zbirnom ocjenom 266.

9. Verifikacija akta Pravosudne komisije broj: SuPK-00-641/25-I od 19.05.2025. godine kojom se nominuje član i zamjenski član za učešće u radu Radne grupe za izradu Strateškog i akcionog plana za bezbjednost djece u digitalnom okruženju Brčko distrikta BiH 2025-2028

Nakon obrazloženja, konstatuje se da je Komisija jednoglasno izvršila verifikaciju akta Pravosudne komisije broj: SuPK-00-641/25-I od 19.05.2025. godine kojom se nominuje član i zamjenski član za učešće u radu Radne grupe za izradu Strateškog i akcionog plana za bezbjednost djece u digitalnom okruženju Brčko distrikta BiH 2025-2028.

10. Verifikacija rješenja o prestanku radnog odnosa Jovi Miloševiću, sudskom policajcu u Sudskoj policiji Brčko distrikta BiH

Nakon obrazloženja, konstatuje se da je Komisija jednoglasno izvršila verifikaciju rješenja o prestanku radnog odnosa Jovi Miloševiću, sudskom policajcu u Sudskoj policiji Brčko distrikta BiH, broj: SuPK-01-609/25-I od 12.05.2025. godine.

11. Donošenje Odluke o naknadi troškova za dva edukatora na XXIII Savjetovanju iz krivičnopravne oblasti koje se održava u Neumu od 02.06. do 05.06.2025. godine

Nakon obrazloženja, Komisija je jednoglasno donijela sljedeću

Odluku

obavezuje se Pravosudna komisija Brčko distrikta BiH da snosi troškove smještaja i ishrane u hotelu „Zenit“ u Neumu za Hajriju Sijerčića _ Čolić (prof. Pravni fakultet Sarajevo) i Tatjanu Kosović (sudiju Sud-a BiH) edukatore XXIII Savjetovanja iz krivičnopravne oblasti koje će se održati u Neumu u hotelu „Zenit“ u periodu od 02. - 05.06.2025. godine.

12. Donošenje odluke o isplati naknade edukatoru za izvršenu edukaciju na seminaru na temu „Naknada materijalne štete u slučaju auto odgovornosti“

Nakon obrazloženja, Komisija je jednoglasno donijela sljedeću

Odluku

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na seminaru na temu „Naknada materijalne štete u slučaju auto odgovornosti“ održanom dana 26.05.2025. godine u Brčkom, edukatoru Faruku Latifoviću, isplati iznos od 707,52 KM (sedamstotinasedam i 52/100 KM) na ime izvršene edukacije, te iznos od 43,20 KM (četordesettri i 20/100 KM) na ime troškova prevoza na relaciji Tuzla – Brčko- Tuzla, što ukupno iznosi 750,72 KM (sedamstotinapedeset i 72/100 KM).

13. Donošenje odluke o isplati naknade Disciplinskoj komisiji i zapisničarima za rad u mjesecu april i maj 2025. godine;

Nakon obrazloženja i provedene diskusije, Komisija je jednoglasno donijela sljedeću

Odluku

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec april i maj 2025. godine.

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 - Naknade troškova zaposlenih, izvrši isplatu naknade za rad:

- Jasminu Suljiću, predsjedniku Disciplinske komisije, iznos od 370,39 KM za rad u aprilu i maju 2025. godine,
- Lani Kondić Vasić, članu Disciplinske komisije, iznos od 370,39 KM za rad u aprilu i maju 2025. godine,
- Bojanu Pajiću, članu Disciplinske komisije, iznos od 370,39 KM, za rad aprilu i maju 2025. godine,
- Nataši Kovač, zapisničaru, iznos od 111,11 KM,
- Milici Jovanović, zapisničaru, iznos od 111,11 KM.

14. Razno

Član Komisije, Damjan Kaurinović, predsjednik Apelacionog suda Brčko distrikta BiH, informisao je članove Komisije da je održana sjednica Visokog sudskog i tužilačkog vijeće BiH (VSTV BiH) u Brčkom, u dane 28. i 29.05.2025. godine. Nadalje predsjednik Kaurinović navodi da je tom prilikom bila čast da se ugoste članove VSTV-a BiH, što je rezultiralo pozitivnim utiscima izvan njihovih očekivanja. Održana je i konferencija za štampu, posebno je pohvalio rad svih pravosudnih institucija, a prema izvještaju VSTV BiH, Osnovni sud Brčko distrikta BiH ostvario je najbolje rezultate među svim sudovima svog ranga u zemlji u 2024. godini. Nakon završetka sjednice VSTV-a BiH održana je i svečana večera.

Sekretar je informisao članove Komisije da je dana 22.05.2025. godine u prostorijama Skupštine Brčko distrikta BiH održan konsultativni sastanak u vezi nacrtu Zakona o izmjenama i dopunama Zakona o notarima Brčko distrikta BiH, kojem su prisustvovali Ivo Filipović, potpredsjednik Skupštine Brčko distrikta BiH, članovi Zakonodavne komisije Skupštine Brčko distrikta BiH, Nerminka Hamidović, predsjednik Notarske komore Federacije Bosne i Hercegovine, Tanja Slišković i Jasminka Durmić-Mašić, notari koji djelatnost obavljaju na području Brčko distrikta BiH. Sekretar je naveo da je dostavljen i zaključak Zakonodavne komisije Brčko distrikta BiH, te je nakon provedene diskusije konstatovano da je Komisija primila k znanju prezentovane informacije uz konstataciju da se Zakonodavnoj komisiji Brčko distrikta BiH uputi dopis u skladu sa provedenom diskusijom.

Sekretar Komisije je informisao članove o njegovom prisustvu TAIEX studijskoj posjeti koja se održavala u Beču, u periodu od 26-28.05.2025. godine, iz oblasti uspostavljanja registra stvarnih vlasnika u BiH. Sekretar je izvjestio članove sa zaključcima i razmjenjenom iskustvu sa navedene posjete.

Konstatuje se da je Komisija navedene informacije primila k znanju.

Kako se niko nije javio za riječ, konstatuje se da je 269. redovna sjednica Komisije završena u 09,45 sati.

Zapisnik vodila
Nataša Kovač

Predsjednik
Pravosudne komisije

Safet Pizović

